




明詩正聲卷三十八 七言律詩八

廣陵

盧純學

江一夔校閱



九日戚都督召飲盤山寺 劉應節

祇林樓閣倚嵯峨
風雨重陽載酒過
絕塞山盤滄海盡
九天秋入太行多
出車今見周方叔
題柱從聞漢伏波
忽報羽書思猛士
凭高同和太風歌

中秋泊渡口

王汝言

渡口蕭蕭古驛前，
沙疎柳繫樓船。
漁燈兩岸懸秋水，
海月中流浸遠天。
鼓柁遙憐雲外侶，
停杯欲問酒中仙。
天涯此夕逢佳節，
何處高樓度管絃。

出紫荆關

侯初

石磴盤旋入紫霄，
重關突兀上星軺。
池臨白馬分天險，
雲近蜚狐作漢標。
沙塞控弦寒氣早，
邊城吹角晚山遙。
屯田漠漠戈鋌集，
坐使匈奴氣暗消。

浮圖峪

雄關北去萬山重，
天外浮圖接太空。
白馬遠從青海入，
紫臺高與碧雲通。
秋風沙塞寒烟暝，
古戍旌旗晚照紅。
自是聖朝無戰伐，
漢家不數貳師功。

伏龍寺

戚繼光

梵宇蕭條隱翠微，
丹楓白石靜雙扉。
曾於山下揮長戟，
重向尊前醉落暉。
衰草尚迷遊鹿徑，
秋雲空鎖伏龍磯。
蒼海舒孤嘯，
百尺仙橋一

振衣

塞外觀音巖

朔庭喜見戰塵收石洞疑從大士游不道受降
唐節度何如奉使漢通侯天垂臺觀三千里雪
染顛毛四十秋短劍蕭森心尚赤班超獨倚玉
門愁

西山

朱天俸

萬壑千崖鎖碧霞當空樓閣隱仙家石田種玉
翻雲氣寶刹鋪金轉日華大地山川雄虎塞諸
天色相淨龍沙登臨不憚捫蘿險共倚孤峰眺
海涯

皇甫靈石訪南塘戚總戎詩以寄之

李奎

南征北伐擁麾旌銅柱燕然久勒名面授三朝
雙畫戟身當萬里一長城桃花新奪天驕馬細
柳重開漢將營聞道轅門日無事雅歌揖客夜
談兵

秋夢

白狼河北信音稀九月霜寒未授衣不耐離心
向秋月却憑孤夢到金微荒城古蹟愁雲結絕
塞窮沙獨雁飛若使涼風知妾意肯吹殘漏入
重幃

過武城晤金令

周詩

河上孤城百雉齊古城高柳覆層堤遙憐芳艸
連天碧別有流鶯選樹啼篋裡春衣催屢換愁
邊鄉信嬾重題故人仍是絃歌宰綠酒紅亭遠
更携

送李給事削籍歸磁州

秋滿都亭落葉繁離心猶自顧中原已甘萬死
承嚴譴何意生還沐 聖恩草屨行歌溥水渡
初衣聊灌淦陽園知君不散憂時憤夢裏猶依
舊掖垣

夏日同姚子玉費子文遊雲居寺

李時行

蒼煙白石滿空山野寺深藏亂竹間遊客謾隨
清磬入老僧長對落花閒潭邊宿雨從龍去樹

明言上卷
卷之三十八
底殘雲伴鶴還盡日臨風
賞披襟坐遍石
苔班

偕姚唯之宿甘露寺

城頭山勢隱樓臺千古禪宮向水開
帆帶暮雲歸海去風吹明月過江來
幾宵清話分僧榻一片閒情付酒杯
世事悠悠君莫問寒潮東下幾時回

酬陳明府見寄

千里勞君問索居江空歲晚獨愁予
祇緣嶺外無來鴈莫道天涯少寄書
草徑秋深吟蟋蟀石池霜冷落芙蓉
關河迢遞風塵隔兩地同看月色虛

經易州界

塞北時聞鐵馬嘶薊門霜柳漸淒淒
天邊野燒連烽火城下寒砧雜鼓鼙
陰磧草荒狐隊出平原風急鴈行低
尊前不見悲歌客易水東流落日西

送徐太史

魏學禮

晴雲初挂片帆前，鳳闕遙依曉日邊。
閭闔鐘聲浮夜月，大江波色亂春烟。
禁中漏近神仙署，天上花深侍從年。
黃閣祗今勞夢卜，聖明方欲倚才賢。

赴都待次補郡發舟日作

蔡汝楠

秋氣初清夜雨晴，東方曙色半江明。
出門已是京華路，回首空懸丘壑情。
五馬他鄉重作吏，羣鷗何日更為盟。
可堪入望沿隄樹，漸引扁舟向遠行。

遊南嶽

五峯高插紫冥開，南極星辰入望迴。
綠字尚留神禹碣，瑤函仍秘上封臺。
席前林靄千層碧，山外江流百折來。
最是平生葵藿志，夜深觀日倚徘徊。

淇門早發感憶鄴下諸鄉舊

許邦才

淇門鐘動曉蒼茫，寒色催人道路長。
良會漸看成往跡，羈魂空復憶同鄉。
城隍炯炯寒留月，驛柳蕭蕭夜著霜。
幾度有書將北寄，無端鴻雁獨

南翔

李于鱗宅送江山人

良夜琴樽興不孤
蕭然行色惜山湖
天涯芳草思公子
雪後春風戀酒徒
那惜十千供舉白
從來百萬判呼盧
河橋楊柳誰堪把
况復梅花正滿途

靈巖寺

澗壑縈迴繞梵宮
諸天色相鬱青葱
岩崖陰積千年雪
鈴鐸宵聞十里風
寺抱五雲金界麗
塔銜孤月玉毫空
石僧東嶺緣何事
似指蓮花問朗公

白雪樓

新題銀牘象蓬萊
浮動高寒見楚才
宋玉至今無和客
馬卿元自有琴臺
洞庭黃鶴凌秋度
荆表清漳繞檻來
得似詞豪聞絕唱
岱雲春樹日徘徊

其二

郢人高唱海西臺
氣味同稱絕代才
客自藐姑

山裏到春從巴蜀水中來時看玉樹三秋色遙
接金莖片月開顧我梁園慙授簡憑闌忽憶此
銜杯

炎居苦俗因入蕭山養病張子成郊園

陳鶴

炎天病起厭逢迎借爾深山且避名偶對野翁
忘出處暫隨農侶話陰晴林猿乞果時穿木海
月窺人夜過城賴有流泉能灌圃臨窓時見藥
苗生

登南城樓有感兼懷荀公

盧枏

獨上高樓四望明海天愁色起縱橫黃雲不斷
飛狐塞殺氣遙連偃月城未訝健兒能陷虜早
聞白羽尚徵兵封侯知有荀公達好向中朝事
請纓

送蘇侍御按宣大還朝

李先芳

驄馬遙巡塞上城朱衣還憶殿中行落梅夜聽
胡笳曲細柳朝提漢將營十月霜威沉殺氣五
原烽火靜邊聲時清不勒燕然石緩轡輕裘入

帝京

上元夜望西苑燈山

蓬萊宮闕敞燈筵北斗平臨御座懸火樹夜分
三殿曉金蓮春動九枝然雲中蜃氣搖仙閣海
上龍膏結綵煙此夕漢家祠太乙非關遊豫眷
芳年

送曹中丞謫戍朔方

幾年海邑空流血今日燕關復斷腸勲業不隨
江水去壯懷遠逐塞雲長敢論棄擲風霜苦實

馮唐
賴生全日月光從此軍中有頗牧他時天子問

送王西塘侍御代巡甘肅

君王西顧重籌邊繡斧衝寒出酒泉絕塞長懸
青海月長風不斷玉門煙羌兒夜奏燉煌樂宛
馬春嘶首著天何用先聲傳韃靼霜威昨已到
秦川

雲岑閣

天畔登樓俯翠屏萬山迴合抱岩高城臨虎瞰

風蕭瑟地擁雲岑晝杳冥雨後嵐光搖粉堞潮
來江氣動青萍憑高已覺鄉心切何處秋蟬不
可聽

玉峽山練中丞祠

玉峽高臨渝水陰南臺遺廟未全沈亦知六駕
飛龍日自表孤臣扣馬心白石粼粼江底見三
峰矗矗雨中深百年松檟凋零盡荒塚殘碑何
處尋

滕王閣

高閣嶙峋攬上游還將歌舞向東流憑軒作賦
何年事遠水長天萬古愁鳥外片帆生極浦雨
中芳艸遍青洲江湖滿地無舟楫天畔何人獨
倚樓

送沈太守之潯州

萬里寒帷豈薄游鬱林虎竹漢諸侯郡鄰勾漏
三山迥城壓黔江二水浮卧閣倦題青玉案行
春遙繫木蘭舟蠻烟瘴海鴻難至珍重炎方桂
樹秋

送李于鱗入覲

使君符竹下邢臺雙闕崢嶸北望開禹貢九州
元會日漢家三輔出雄才流澌臘月催寒盡殘
雪春山積翠來此去朝正應有賦天涯彩筆共
誰裁

白燕

昭陽宮裏洗新粧粉黛三千枉斷腸不是樓臺
涼似水那教毛羽化為霜河邊度影銀生色閣
裡嚙泥玉作香莫向衆中誇素質蛾眉妬殺雪

衣娘

河間作

楊金

瀛海天高樹影稀近城村店半柴扉雲生古渡
盤空起雪滾長空間葉飛賈誼上書憂不細王
陽迴馭顛常違停驂又作河間客人事愁看處
處非

和梁公實燕臺感秋

黎民表

桑乾千折抱燕臺豈謂胡兒飲馬來兵氣旋銷
烏鳥樂陣雲初散鼓鼙哀四方猛士多蟬冕三

黜儒生尚草萊卧病衡門秋又晚幾時東蜀待
重開

奉訪李于鱗郡齋

揖客龍門意未輕北來風雨暗孤城青山不斷
襜帷色濁酒深知傲吏情豈謂漢庭踈汲黯翻
令渤海重王生漫從華髮悲留滯岳牧于今有
大名

浮圖峪有木積山甚峻

青磴雲霄不可攀飛狐中斷尚當關河流東去
盤孤碣營壘西來盡萬山夜火軍書猶告急春
防戎馬未休閒凡材敢勒燕然石奔走爭筵道
路難

送陳士鵠補騰越州

北闕秋風綰郡章單車人自識循良長途正渡
瀾滄水清吏休論寶玉鄉行笥護衣無越艷凋
房稽首有夷王漢家不事西南徼邛竹無勞貢
尚方

夜投草涼留寄漢中分守甘少參

張佳胤

棧雲寒滿黑貂裘
虎豹關長使者愁
西向青天懸蜀道
東來白雪擁吳鉤
猿聲一夜清霜阪
月色千峯古戍樓
獨坐空山正無賴
居然江漢想風流

荅睢陽李子中

碭山佳氣徇幽居
四壁猶懸舊賜車
玄室逢迎多問字
青雲消息付徵書
浮生尊酒隨彭澤
落日漁樵托孟諸
幾上平臺懷賦客
倦遊吾已似

相如

再登華山

重經西華赤霞封
絕壁風迴萬壑鐘
仙掌擘雲扶日月
鴈峰飛雨落芙蓉
行吟秋抱天門石
搔首寒生洞口松
何限乾坤車馬客
不知此地跨茅龍

送易僉憲之滇南

遠別休歌行路難
漢家八使出長安
朱陵帆轉三湘色
青海秋生六詔寒
仗節豈緣金馬祀
憂

時新著惠文冠期君開府西南地銅柱功名萬
古看

寄荅王元美

黔南為客伴雕題絕國千峰瘴易迷塞草愁時
看欲盡夷經行處舊曾携登樓暇日歌朱鳳隱
几清秋頰碧鷄莫道故人干氣象投身仍過夜
郎西

山陵望月

汪道昆

七陵宮闕對崔嵬落木空林四望開鳥道過雲

秋練沒龍池抱月夜珠來千門涕淚刀頭盡萬
國關山笛裡哀倚杖迴看天尺五啼烏暮傷帝
城隈

沙河早行

馬頭片月挂長安雙照孤臣淚未乾五夜愁心
鳩鵲觀九秋衰鬢鷄鷄冠人家砧杵遙相望客
路關山迴自寒總為三朝恩不淺非關老大拂
衣難

送王仲房

方弘靜

君去淮南木落時楚關風雨益淒其雲山九日
還登眺烽火千家尚亂離雙闕新營天北極六
軍猶問海東夷 聖朝方待屠龍士莫戀青青
桂樹枝

送江駕部

日日過逢未厭頻離筵梧竹暫相親誰言風雨
孤尊夜忽是雲山萬里人滄海羽書飛百粵玉
門烽火照三秦知君龍劍方酬國豈為驪歌獨
愴神

送潘象安

南北遨遊賦二京知君雅思似張衡秋橫雲雨
三山色春繞煙花五鳳城玄武湖邊青舫度黃
金臺下紫騮鳴興來綵筆人皆羨不讓風流漢
柱名

送郭一崕使琉球

羅廷唯

青瑣仙郎陸賈才孤帆遙指日南開蠻烟曉拂
波濤壯蜃氣秋澄島嶼回萬里 君恩窮髮遍
千年王會越裳來紫垣昨夜占牛斗早晚靈槎

海上迴

送張助甫

王世懋

除書何事尚漁陽
屈指三朝吏部郎
豈為文章收逐客
自緣名姓怖降王
握中明月非秦塞
馬首秋雲是帝鄉
舞劔吹笳歌莫放
恐驚風雨入長楊

奉和元美兄同出郭外歸宿故墅之作

鹿車兩兩趁郊行
蹤跡依然近耦耕
白首尚隨鄉祭酒
清齋時對古先生
霜前棗萼多秋實
物外墳簷半梵聲
逐世自憐無祿相
不妨迂嬾去從兄

楊太守罷官闢園城中自娛

投荒猶自不相容
誰念風流在秩宗
但得老充詩社長
不妨狂喚酒家傭
千秋藝苑終青史
五畝山園亦素封
小隊莫教驚稚子
使君元是舊吳儂

寄康裕卿

休從燕市問黃金
寂寂誰明國士心
逐客幾成

秦吏議賣文多是越人吟身隨生死情邊去淚
入交游態裏深聞道甌江舊磯在儻過廬嶽好
相尋

華夷互市圖

大漠高空寂建牙兩軍相見醉琵琶天閑首蒼
多羌種胡女胭脂盡漢家雲裏射生旋入市日
中歸騎不飛沙金錢半減犁庭費五吏應知晉
史誇

聞王百穀至却贈

百谷受故相表公知每有羊曇之慟重來京師

意多感慨

燕臺蕭颯下冥鴻客散平津夜月空匣得隋珠
還作淚掛來徐劔已成虹風塵暗失西州路氣
色重開碣石宮寶瑟自珍矜不奏問君竿調可
兼工

大司寇顧公池亭

卜築秋高萬壑陰空山白髮著書深長松老作
虬龍態古磴閑從薜荔侵西望吳門縈匹練東
回箸水寫鳴琴開尊重借儒生色倒屣誰酬國

士恩

懷吳明卿

詞客漂零自古今天涯薄宦且浮沉三川地敞
中原色二室秋高大陸陰東帶風塵摧傲骨寒
惟落日佇雄心河陽幾度看花發遮莫潘郎鬢
已侵

席上別陶景熙方伯張士思憲使呂聲甫
費熙之馮子漸大參鄒朝卿顧道行沈
邦彥憲副張養晦金子魯僉憲

陳文燭

榕城孤艇下江濱絲管清尊日又曛岐路風烟
無息駕故人冠蓋幾離羣蜃樓閩海秋仍結龍
劍延津夜欲分別後片心何所寄庄山春樹武
夷雲

送武侍御巡邊

翩翩丹詔下龍樓回首西曹憶舊遊驄馬忽驚
過萬里射鷗從此絕三秋霓旌帶月飛關外羌
笛吹雲出隴頭白簡歸來仍奏績君王宵旰

可無憂

送蔣將軍

大江樓櫓下巴渝叱馭當年幾壯夫
萬里橋頭風正細
百花潭上月同孤
啼猿深處三峨色
立馬看來八陣圖
此去罷兵仍吊古
射洪春酒好頻酌

送陳仁甫學士歸楚

二月黃鸝語乍分
漢廷消息不堪聞
當年金馬誰能似
去日銀魚未可焚
三殿春迴迷舊雨
九疑天盡落寒雲
沙堤莫謂湘南遠
高閣絲綸正待君

出蜀寄王敬美叅伯兼詢元美廷尉

中原詞賦鴈鴻多
尺素其如蜀道何
君自匡山尋五老
我從巫峽問三峨
西堂夜永生春草
南國年來長薜蘿
此去江淮渾一水
吳門湖口得經過

送少司寇張公告還粵西

蹇達

抗表于今見二疏
臨關紫氣未應虛
龍江水落

明言上卷
卷之三十一
堪垂釣象郡山深好著書
帝向批龍思諫草
人從翔鳳仰懸車
綸音暫尔容高卧
曳履還看
傷禁廬

秋日夔巫道中襟懷

孤城雉堞倚層岡
望裡風烟接混茫
山坼渝州連劔閣
江分岷嶺散瞿塘
英雄事往餘殘石
雲雨臺荒剩夕陽
夔府向來稱重地
安危殊仗漢循良

孫參伯邀宴蓬萊閣

閣俯滄溟接混茫
相將詞客興飛揚
波濤今古吞元氣
島嶼西東挂夕陽
玄圃幾人求大藥
孤根何處托扶桑
萬流轉識朝宗意
並倚危欄望帝鄉

同劉公恒諸使君登齊山用韻

峻嶒石磴拂泉飛
攬勝孤亭坐翠微
疊嶺樹邀雙鳥去
平湖風帶一帆歸
名山耐可供遷客
濁酒偏宜對夕暉
總為使君拚酪酏
不妨霜露上征衣

夷陵

楚塞蕭疎木葉丹行人車馬大江干黃陵樹色
籠烟暝青草灘聲帶雨殘十載重來憐使節三
吳東去媿傳餐月明峽口啼猿急寥廓西風劍
氣寒

鄒承卿陟任山西憲使

外臺連帥古諸侯三晉河山攬轡秋八使才名
行部見一時風采按章收詞人白雪過梁苑使
者青簾去益州潦倒西曹舊同舍臨岐風雨看

吳鈞

再送莫雲卿

朱孟震

綠尊重把定何年握手翻驚是別筵念我久為
鍾阜客送君歸泛泖湖船愁邊鴻鴈江雲冷夢
裡梅花海月圓莫惜十行題字細相思堪滿會
稽箋

寇巨源遙自燕臺問余汾上十日之飲未
罄歡棕千里之交倏增離緒乃賦近體
酌酒擊劍而為之歌

官亭尊酒對離歌入夜霜風卷大河千里去程

飛驟裏萬山寒色度滹沱襲美每謂寇生謬宗歷下數用滹沱不佞

聊復爾耳朱門未信彈冠少白壁休疑按劍多

明到故交燕市裡儻從屠狗重經過

楊將軍督儲北上過訪郡齋賦贈

錢楷

舳舻何日下江東轉餉今當第一功萬幟曉騰

河朔氣千帆遙挂薊門風東南民力憐俱竭西

北軍威喜尚雄聞道太倉饒積貯蠲租誰為報

重瞳

寒日與何翰林登虎丘時郡太守禁游燕山色雅靜因坐移

日有作

莫雲卿

林丘寂寂對寒暉半鎖荒苔立馬稀何處齋鐘

心共遠當年歌管事全非空潭雲氣生衣冷幽

壑泉香入酒微盡說高陽罷游讌尚容山簡醉

中歸

旅夜

凌東周

寒日初沈獨掩門鐘聲窗外度黃昏孤身自照

明詩正聲卷三十八
一尊
踈燈宿久客空憐短褐存千里鄉心悲斷鴈半
天寒雨暗消魂逢人怕說歸期遠暫醉燕山酒

送湯司訓還蘄州

楚客懷歸夏正長東書千卷即行裝栽成桃李
垂新蔭望入瀟湘是故鄉驛路馬蹄朝雨歇江
城帆影午風涼鄭虔老去文章在明月蒼山思
渺茫

明詩正聲卷三十八

